

03. februar 2011

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarpunga.

## **Naalakkersuisunut Apeqqut**

1. **AirIceland-imik Naalakkersuisut angallannissamik isumaqatigiissuteqarneranni nunatta karsiat qassinik akiliiva?**
2. **Isumaqatigiissut qanoq sivisutigisumik atuutissava?**
3. **AirIceland-imik isumaqatigiissuteqarnermi innuttaasut atorfiliunngitsut akikinnersumik angalasalissappat?**
4. **Air Iceland-imik isumaqatigiissuteqarnerup kingorna Air Greenland-imi suliasakinerulerneq pissutigalugu sulisunik soraarsitsisoqassava?**
5. **Air Greenland aningaasanik qanoq amerlatigisunik annaasaqassava?**
6. **Nunap iluani timmisartuussinermi akit qaffassappat?**
7. **Nunanut allanut angalanermi aamma atorfiliunngitsut angalanissaannut akikillisannissamik pilersaaruteqartoqarpa?**
8. **Naalakkersuisut annilaangatiginnilaat aningaasat avammut annisorneqartut amerlinissaat Air Iceland-imik isumaqatigiissuteqarnerup kinguneranik?**

(Inatsisartuni ilaasortaq, Krisitan Jeremiassen Siumut)

## **Tunnqavilersuut**

Apeqqutima aallaavigaat paaserusukkakku isumaqatigiissutip qanoq nunatsinnut inuinnullu kinguneqarsinnaanera.

Isertuutissanngilara nammineerlunga isumaqarama sipaarutissarsiorneq naapertuussinnaammat pisariaqarmallu.

Taamaattorli sipaarniutit anguneqassanngillat sukkavallaamik akikinaaralunilu aaqqiinikkut siunissaq isivisunersusoq isigalugu nunatsinni suliffeqarfinnut innuttaasunullu sulisartunut isertitakinerulerneq kinguneqartussa. Sipaaruteqarneq anguneqarsinnaangillattaq allanik isumalluuteqarneq tunnqavigalugu – nunallu aningaasarsiorneranik tamakkiisumik isiginnilluni ajorseriaataasumik.

Isumaqarpunga illuinnaasiortumik nunatta karsianik aallaaveqarluni aningaasarsiornermik politikikkut ingerlatsineq allanngortittariaqartoq nunatta tamakkiisumik aningaasarsiorneranut saatillugu.

Kalaallit Nunaat Namminersortoq aningaasatigullu nammineerluni nammakkiartuartaq maannakkornit annertunerusumik periarfissanik ujartuisariaqarpoq isertitat akilersukkallu oqumaaqatigiinnerisa pitsanngorsarnissaannik tamaallilluni aningaasatigut ingerlaartut nunatsinit nunatsinnullu.

Air Icelandimut isumaqatigiissuteqarnerup kingunerissavaa aningaasatigut napatikkiartornerup unikaallatsinneqarnera suliffeqarfiit innuttaaqataasulu nunatsinniittut aningaasartuutaasa qaffakkiartulernerat suliffissaaleqisullu qaffannerat.

Suliffeqarfiutivut sulisartuvulli nunatta anignaastigut napatikkiartulerneranut atorneqassapput uagut piunasaqaativut tunngavigullu aallaavigalugit.

Air Greenlandimit naatsorsorneqarpoq aningaasatigut annikinnerpaamik 50 mio. kr-inik annasaqaataassasoq, taamaattumik ilimasaarutigaa Air Icelandimik isumaqatigiissutearneq nuanqarfimmiunut isorliunersusumilu najugaqartunut billetsinermi akitsuinermik kinguneqassasoq. Inuuniarnikkut atukkat oqimaqatigiinnginnerannik annertusinermik kinguneqassaaq, taamaalilluni demokratit nunassissimanitta allangortinneqarnissaannik kissaataat iluatsinneqarluni.

Simumi isumaqarpugut ajornartorsiut aqqinneqarsinnaanngitsoq ajornartorsiummik nutaamik pilersitsinikkut. Taamaattumik uani nammackersuutunik nikisiteriinnartoqarpoq, nikisiterineq innuttaaqatinik sanngiittunik minitaqarluni nukittuunik siullingortitsinerussaaq, taanna pivoq oqarluartaarutigalugu Naalackersuisut sipaaruteqartariaqartut aningaasaqarnerput aqqinniarneqarnerani taamaattorli taanna pivoq nunatsinni suliffeqarfiit innuttaasullu pilliuteqartinnerpaallugit.